

SAMOSTALNI SINDIKAT
ŽELJEZNIČKIH RADNIKA U BIH



SSSBiH



INTERNATIONAL
TRANSPORT WORKER
FEDERATION



EUROPEAN
TRANSPORT WORKER
FEDERATION

Put Života 2; 71000 Sarajevo, BiH
Tel/fax: +387 (0)33 - 52 37 04 i 52 19 79
e-mail: szbih@bih.net.ba

Broj / No: 13/11
Datum / Date: 23.02.2011.
Mjesto / Place: Sarajevo

HITNO

FEDERALNO MINISTARSTVO PROMETA I KOMUNIKACIJA
(n/r Ministra Naila Šećkanovića)

Predmet: Kršenje odredaba Sporazuma između Vlade FBiH i RS o uspostavljanju zajedničke ŽJK, kao dijela transportne korporacije, Zakona o radu i Kolektivnog ugovora željezničara FBiH.

Poštovani,

U više navrata smo Vas upozorili da Predsjednik Uprave i Uprava JP ŽFBiH d.o.o Sarajevo krše odredbe Zakona o Radu, Kolektivnog ugovora željezničara FBiH, Pravilnika o radu i Sporazuma između Vlade FBiH i RS o uspostavljanju zajedničke ŽJK, kao dijela transportne korporacije

Vaše nereagovanje i prećutno odobravanje nezakonitih aktivnosti Uprave preduzeća dovelo je do toga da je Uprava preduzeća, suprotno odredbama Sporazuma između Vlade FBiH i RS o uspostavljanju zajedničke ŽJK, kao dijela transportne korporacije, uzela sebi za pravo da smijeni člana Upravnog odbora gospodina Mario Kozina, članove Poslovnog odbora BHŽJK Knezović Ivana i Šaljić Hamdiju, te da sa sindikatima koji djeluju na Željeznicama FBiH potpisuju nekakav protokol ko će ispred sindikata biti u Upravnom odboru BHŽJK.

Kao što Vam je poznato da je Sporazumom između Vlade FBiH i RS o uspostavljanju zajedničke ŽJK, kao dijela transportne korporacije jasno i precizno utvrđeno da Federalno ministarstvo prometa i komunikacija, zajedno sa ministarstvom saobraćaja i veza RS-a, vrši nadzor na sprovođenju gore navedenog sporazuma uključujući i pitanja formiranja Upravnog odbora i Poslovnog odbora BHŽJK i da Uprava JP ŽFBiH d.o.o Sarajevo nema nikakve nadležnosti i zakonskog oporišta da se miješa u poslove Korporacije.

Želimo Vam ukazati na činjenicu da Federalno ministarstvo prometa i komunikacija potpisnik Kolektivnog ugovora željezničara FBiH, po kome su jasno i precizno utvrđeni odnosi između Poslodavca i Sindikata.

Članom 57. Gore navedenog kolektivnog ugovora stoji obaveza da će Poslodavac omogućiti sindikatima potpisnicima Ugovora prava za zaštitu zaposlenika, te da će se u ostalom o mišljenjima, prijedlozima Sindikata zauzeti svoj stav i obavijestiti Sindikat najkasnije u roku od 15 dana, a obavezno prije donošenja Odluke u vezi sa kojima je Sindikat

dao mišljenje ili primjedbe. Ovim putem želimo Vam ukazati da je novi predsjednik uprave i Uprava samo jednom odgovorila sindikatima potpisnicima Kolektivnog ugovora na njihove prijedloge, primjedbe i mišljenja, čime je direktno prekršila odredbe člana 57. ovog Ugovora.

Članom 121. Kolektivnog ugovora željezničara FBiH propisano je da su ugovorne strane dužne zalagati se za poštivanje odredaba ovog Kolektivnog ugovora i zalagati se za njegovu primjenu. Ugovorne strane su dužne da se suzdržavaju od bilo kakvog djelovanja, koje je u suprotnosti ovog Ugovora ili bi spriječili ili otežavalo njegovu primjenu. Kolektivni ugovor je obavezan za sve strane koje su ga zaključile, kao i za strane koje su se naknadno priključile.

Ponovo Vam ukazujemo na činjenicu da je, u skladu sa odredbama člana 10a. Zakona o radu FBiH, zabranjeno Poslodavcu miješanje u uspostavljanje i funkcioniranje ili upravljanje Sindikatom, zagovaranje, pružanje pomoći Sindikatu sa ciljem kontroliranja takvog Sindikata.

I pored ovakve zakonske odredbe, Predsjednik uprave i Uprava preduzeća stalno i permanentno na razne načine vrše pritisak, mobing posebno na nosioce funkcija u Sindikatu, sa jednim ciljem da sruše ovaj Sindikat, jer predsjednik Uprave smatra da svi oni koji rade na Željeznicama i ne misle kao on su nezalci i teški neprijatelji Željeznica i Države.

Predsjednik Uprave i Uprava su dosadašnjim djelovanjem napravili veliku podjelu među zaposlenicima, totalno narušili međuljudske odnose gdje su prisutni česti sukobi među zaposlenicima koji imaju za posljedicu ugrožavanja bezbjednosti željezničkog saobraćaja i donijeli niz nezakonitih odluka na štetu Željeznica i njenih uposlenika.

Umjesto da Uprava rješava pitanje nabavke zaštitne opreme i odjeće, kako bi se spriječilo ugrožavanje zdravlja zaposlenika i rješava prava zaposlenika iz radnog odnosa, pomenuta tjera zaposlenike da svoja prava iz radnog odnosa traže na Sudu, tako da sada imamo već preko 500 tužbi protiv nezakonitog rada Uprave sa tendencijom da ih bude čak preko 3000, što neće pomoći ni Vladi ni zaposlenim u ovom Preduzeću, nego će po sudskim presudama dovesti preduzeće da neće moći izvršavati svoje zakonske obaveze, a što je možda i želje pomenutih struktura u budućoj prihvatizaciji.

Želimo Vam ukazati na činjenicu da je Uprava Preduzeća putem svog Info lista najavila da će uz podršku nezakonitog Vijeća zaposlenika donijeti novi Pravilnik o radu, bez konsultovanja svog socijalnog partnera, po kome će postojeća sistematizacija ukinuti mnoga radna mjesta i smanjiti postojeće koeficijente radnih mjesta. Obzirom da se svaki dan neko novi prima, bez mišljenja Sindikata i to isključivo kadrovi koji uopšte ne trebaju Željeznici, među zaposlenim je zavladao nesigurnost, nemotivisanost za poslom i teška nezivjesnost.

Ukoliko odmah ne reagujete, i u skladu sa svojim ovlaštenjima, ne zaustavite nezakonito djelovanje Predsjednika uprave i Uprave JP ŽFBiH d.o.o Sarajevo, nama će to biti signal da Vi nemate volje da to spriječite, odnosno da podržavate nezakonite radnje Uprave ŽFBiH, te ćete snositi odgovornost zbog gašenja BHŽJK, kao jedine korporacije koja radi djeluje na nivou Države po odredbama Aneksa IX Dejtonskog sporazuma.

Zaposleni u ovom Preduzeću i ovaj Sindikat neće dozvoliti da Predsjednik uprave i Uprava, kao i njihovi mentori iz Vlade i pojedinih stranaka, unište Željeznice FBiH i ostave bez posla oko 4000 zaposlenih, radi svojih ličnih interesa kroz privatizaciju, "obnovu" Željeznica itd.

Očekujemo od Vas da se odmah očitujete oko događanja na Željeznicama FBiH i teškim zloupotrebama Predsjednika Uprave, čije je djelovanje dovelo u pitanje funkcionisanje i opstanak BHŽJK i ŽFBiH.

Zbog nezakonitog djelovanja Predsjednika uprave i Uprave preduzeća, na Željeznicama FBiH stvoreno je veliko bure baruta koje može uvijek eksplodirati, jer se radi o teškim kršenjima osnovnih ljudskih i radničkih prava od strane pomenutih i ovaj Sindikat ne može snositi nikakvu odgovornost ili posljedice koje mogu zbog toga nastati.

S poštovanjem!

Dostavljeno:

- Naslovu
- Premijeru Vlade FBiH
- ETF Brisel
- ITF London
- SSS BiH
- Upravnom odboru BHŽJK
- Poslovdnom odboru BHŽJK
- Sindikalnim organizacijama
- Oglasne table

